

UGOVOR O NABAVCI USLUGA
-održavanja i servisiranja službenih vozila SERDA d.o.o. Sarajevo-

1. **Sarajevska regionalna razvojna agencija SERDA d.o.o. Sarajevo**, Kolodvorska 6, koju zastupa direktor dr. Ševkija Okerić, (u daljem tekstu: Ugovorni organ)

i

2. **„CONNECTA“ d.o.o. Sarajevo, ul. Osik br. 6, Osijek, Sarajevo, Ilidža**, koga zastupa direktor Edin Strukan, (u daljem tekstu: Pružalac usluga)

Član 1.

Predmet ovoga Ugovora je obavljanje usluga servisiranja i održavanja (ugradnja i zamjena originalnih rezervnih dijelova) za jedno putničko vozilo marke Volkswagen Golf 1,6 DSF, jedno putničko vozilo marke Volkswagen Golf 2,0 DSF, jedno putničko vozilo marke Renault Fluence 1,6 i jedno marke Renault Fluence 1,5 za potrebe Ugovornog organa, putem direktnog sporazuma, a prema ponudi ponuđača br: 03-15-1/21 od 11.01.2021. godine.

Član 2.

Ugovorne strane su saglasne da će ovlašteni servis Pružaoca usluga zaračunati troškove popravke vozila Ugovornog organa po cjenovniku originalnih dijelova „Golf“ i „Renault Fluence“.

Vrijednost ponude iz člana 1. ovog Ugovora iznosi 4.315,17 KM sa uračunatim PDV-om, odnosno 3.688,18 KM bez uračunatog PDV-a.

Redovno održavanje i servis vozila podrazumijeva da se izvrši kontinuirano održavanje, a prema rasporedu redovnog servisa (nakon pređenih 10.000 km).

Redovan servis podrazumijeva zamjenu motornog ulja, kao i zamjenu filtera ulja, vazduha, klime i goriva. Također potrebno je pregledati: kočnice (pakne i kočione vodove), ulja u mjenjaču, radnog fluida za klimatizaciju, svjećice (kod benzinskih motora), svjetlosne signalizacije, vodova za gorivo.

Veliki servis podrazumijeva zamjenu seta zupčastog remena (remen, španer, rolna, vodena pumpa i rashladna tekućina)

Servis vozila podrazumijeva otklanjanje nepredviđenih kvarova nastalih tokom korištenja službenog vozila. Cijene dijelova trebaju da budu u skladu sa redovnim cijenama ponuđača.

Član 3.

Ugovorni organ se obavezuje da će izvršiti uplatu u roku od 15 dana od dana ispostavljenе fakture pružaoca usluga na račun broj:101101-0064-3546-86 kod Privredne banke Sarajevo.

Član 4.

Pružalac usluga se obavezuje da će usluge redovnog servisa i održavanja vozila izvršiti u roku od 24 sata od trenutka prijema vozila u servisni centar, dok će za ostale usluge, manje i veće kvarove, vozilima Ugovornog organa dati prioritet.

Član 5.

Za svaki ugrađeni dio Pružalac usluga daje garanciju za kvalitet u trajanju uobičajene garancije koju daje proizvođač, a koja teče od datuma ugradnje.

U navedenom roku Pružalac usluga je dužan da o svom trošku odstrani nedostatke za obavljene usluge za koje je odgovoran.

Pružalac usluga je dužan dati svoj stav pismeno po pitanju reklamacije na kvalitet odmah od primitka iste. Ako nema nikakvog odgovora u roku od tri dana smatra se da je reklamacija automatski priznata. Priznanje reklamacije povlači sa sobom obavezu rješavanja iste, odmah računajući od datuma priznanja reklamacije, na taj način što će Pružalac usluga neodgovarajuću uslugu obaviti ponovo o svom trošku.

Član 6.

Ugovorni organ se obavezuje da će u svrhu bržeg i racionalnijeg obavljanja poslova popravke svojih vozila dan prije najaviti dolazak vozila u servis, ispostaviti narudžbenicu za usluge i izvršiti obaveze iz člana 3. ovog Ugovora.

Član 7.

Za svaki dan zakašnjena Pružalac usluga se obavezuje da Ugovornom organu na ime ugovorene kazne plati pet (5) promila vrijednosti neizvršenog dijela posla, a najviše 5% (pet posto) te vrijednosti.

Član 8.

Pružalac usluga nema pravo zapošljavanja, u svrhu izvršenja ugovora o nabavci, fizičkih i pravnih lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, šest mjeseci po zaključenju ugovora.

Član 9.

Ovaj Ugovor se zaključuje na jednu godinu, s tim da ga mogu otkazati obje strane, u slučaju da se jedna strana ne pridržava ugovorenih obaveza, uz pismeni otkaz od najmanje 7 dana.

Ugovor stupa na snagu danom potpisivanja od obje ugovorne strane.

Član 10.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Član 11.

Ovaj Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.

Sastavni dio ovog Ugovora je Ponuda iz člana 1. ovog Ugovora.

**ZA PRUŽAOCA USLUGA:
DIREKTOR**


Edin Strukan



Broj: 03-19/21

Dana, 15.01.2021

**ZAUGOVORNI ORGAN:
DIREKTOR**


dr. Ševkija Okerić

Broj: 49-5/21

Dana, 13.01.2021